



КАФИСТ

БЛАГОВЕРНОМУ КНЯЗЮ  
АЛЕКСАНДРУ НЕВСКОМУ



### **Тропарь, глас 4.**

Яко благочестиваго корене/ пречестная отрасль  
был еси, блаженне Александре,/ яви бо тя Христос,  
яко некое Божественное сокровище Российстей  
земли,/ новаго чудотворца, преславна и богоприятна./  
И днесь сошедшеся в память твою верою и любовию,/  
во псалмех и пениих радующеся славим Господа,/  
давшаго тебе благодать исцелений./ Егоже моли  
спасти град сей,/ и державе Российстей/ богоугодней  
быти,// и сыновом Российским спастися.

### **Кондак, глас 8.**

Яко звезду ты пресветлу, почитаем, от востока  
возсиявшую и на запад пришедшую,/ всю бо страну  
сию чудесы и добротою обогащаеши/ и просвещаеши  
верою чтущия память твою, Александре блаженне./  
Сего ради днесь празднуем твое успение, людие  
твои суции:/ моли спасти Отечество твое/ и вся  
притекающия к раце мощей твоих и верно вопиющия  
ти:// радуйся, граду нашему утверждение.



# АКАФИСТ

## БЛАГОВЕРНОМУ КНЯЗЮ АЛЕКСАНДРУ НЕВСКОМУ

### Кондак 1

Избрáнному воево́де земли́ Росси́йския, свѣтлому украше́нию Це́ркве Правосла́вныя, свято́му благове́рному вели́кому князю́ Алекса́ндру Не́вскому, похва́льная воспису́юще, я́ко ве́рою враги́, ви́димыя же и неvíдимыя, победи́вшему, и в ве́ре сво́ей, по рече́нию апо́столу, добродѣтель, в добродѣтели же рáзум, в рáзуме же воздержáние, в воздержáнии же терпѣ́ние, в терпѣ́нии же благоче́стие, братоло́бие и любóвь яв́ившему со умилѣ́нием и рáдостью возопи́им:

**Ра́дуйся, святы́й благове́рный вели́кий кня́же Алекса́ндре.**

### Икос 1

Со А́нгелы и все́ми святы́ми предстои́ши ны́не Христу́, блаже́нне Алекса́ндре, моля́ся о любóвию чту́щих тя: те́мже, помина́юще, я́ко, измла́да Христа́ возлюб́ив, к небéсным дýхом прилепи́лся еси́, безплóтных подража́в жити́ю, ублажа́ем тя, вопи́юще:

Ра́дуйся, ко́рене благочестíваго о́трасле пречест-



на́я; ра́дуйся, благове́рия прѣдков наслѣдниче.

Ра́дуйся, добродѣтелей отца́ боголюбѣваго подража́телю; ра́дуйся, крѣтости и благоче́стия ма́терняго преѣмниче.

Ра́дуйся, вождю́ к Небесѣм ста́да своегѡ христолюбѣваго: ра́дуйся, в жити́й всех рабо́в Бо́жиих дру́же и ревни́телей благоче́стия собесѣдниче.

Ра́дуйся, преподо́бных ли́ка богосвѣтлаго соприча́стниче; ра́дуйся, ве́ры Христо́вы непобѣди́мый испове́дниче.

Ра́дуйся, во́лею му́чениче, сликовству́яй ны́не со́нму му́чеников добропобѣдному; ра́дуйся, христи́анскаго упова́ния и любве́ всем нам дѣвственны́й проповѣдниче.

Ра́дуйся, уста́вов и чи́на церко́внаго благоле́пного ревни́телю; ра́дуйся, ве́рных чад Цѣркви и уго́дников Бо́жиих сонаслѣдниче.

**Ра́дуйся, святы́й благове́рный вели́кий кня́же Алекса́ндре.**

## Кондак 2

Ви́девшия ле́поту лица́ и телѣснаго во́зраста твоегѡ́, новогра́дстии лю́дие ра́довахуся и славля́ху Бо́га, визи́рающе на тя: мы же, помина́юще светле́йшия па́че со́лнца добродѣтели твоя́, блаже́нне Алекса́ндре, просла́вившему тя Го́сподеви по́йм: Аллилу́иа.



## Икос 2

Разумѣл еси́, богомѹдре Алексáндре, я́ко прехóдит  
óбраз мíра сегó, едíно же есть на потрѣбу челоуѣком,  
ѣже благоугодíти Гóсподеви: сегó рáди измлáда от  
любвѣ к мíру и я́же в мíре уклонíлся еси́, возжелѣв  
же зде сѹщими стяжáти небѣсная, я́ко вѣрный раб  
Гóсподу во всем житíи нелѣностно послужíл еси́.  
Тѣмже вопиѣм ти:

Рáдуйся, подви́жнице вѣры, угождѣние Бóгу  
пáче всего́ предызбрáвый; рáдуйся, подóбие  
Авраáму во всем житíи непорóчно пред Бóгом  
пожíвый.

Рáдуйся, Исаáково послушáние показáвый;  
рáдуйся, путѣм Иáковля смиренномѹдрíя  
ходíвый.

Рáдуйся, Иóсифову чистотѹ и целомѹдрíе  
стяжáвый; рáдуйся, Моисѣову любóвь к люóдем  
своím в себѣ явíвый.

Рáдуйся, я́коже Самуи́л чíста себѣ от вся́каго  
любостяжáния соблюдáвый; рáдуйся, крóтостию  
Давíдовою врагí своя́ победíвый.

Рáдуйся, Петрóвой плáменной вѣре поревно-  
вáвый; рáдуйся, с Пáвлом íгу Христóву себѣ  
порабóтивый.

Рáдуйся, богомѹдрíе Иоáнново пóдвигом



поучения в слове Божием снискавый; радуйся, многих святых добродетели в себе совокупивый. **Радуйся, святой благовёрный великий княже Александре.**

### Кондак 3

Силою веры стяжал еси, блаженне Александре, высшее любомудрие, егже ради, презирая плоть, прилежал еси о души безсмертней: темже ублажающе тя, яко стяжавша ныне безсмертие, вопием прославившему тя Христу: **Аллилуиа.**

### Икос 3

Имеяй всегда пред очима своима Господа, трезвенно пожил еси, блаженне Александре, и вся яже творил еси, творя во славу Божию, угодил еси Богу, Емуже предстоиши ныне с лики от века угодивших: темже радуешься о тебе, зовем ти:

Радуйся, истинного трезвения подвижнике; радуйся, спасительного созерцания любителю.

Радуйся, наставнике наш в подвиге от мира удаления; радуйся, стяжателю совершенного дара бодрственного себе внимания.

Радуйся, всякого безсловесного вожделения твердый противоборнике; радуйся, благочестия добрый подвижнике, преуспевый в разуме и деянии.



Ра́дуйся, я́ко си́лою моли́твы препобе́дил еси́  
диаво́льская искуше́ния; ра́дуйся, я́ко себѣ от  
греха́ огради́л еси́ послѣднихъ воспомина́нием.

Ра́дуйся, я́ко возлюбилъ еси́ душо́ю е́же о  
небе́сныхъ помышле́ние; ра́дуйся я́ко преуспе́л  
еси́ в неле́стныхъ я́же к Бо́гу моли́твенныхъ  
предсто́янияхъ.

Ра́дуйся, я́ко все жити́е своѣ освяща́л еси́  
непреста́ннымъ и́мене Бо́жия призыва́нием;  
ра́дуйся, я́ко угожда́л еси́ Го́сподеви вся́кимъ  
благоугожде́нием.

**Ра́дуйся, святы́й благове́рный вели́кий кня́же  
Алекса́ндре.**

### **Кондак 4**

Бу́ри искуше́ний воздвиго́ша врази́ и проти́ву  
тебе́ блаже́нне Алекса́ндре. Ты же препобе́дил  
еси́ сия́ си́лою благода́ти Христо́вы: те́мже ны́не,  
к ти́хому пристани́щу прите́к, с ли́ки искуше́нныхъ  
в ми́ре, победившихъ же миръ, вопи́еши Христу́:  
Аллилу́иа.

### **Икос 4**

Слы́шав Па́вла, глаго́люща: «Вся́к подви́жайся от  
всехъ возде́ржится», вся в уме́ты вмени́л еси́, блаже́н-  
не Алекса́ндре, да Христа́ приобрета́еши: по́двигами



же отвержéния себé и ко благím делóm принуждéния  
стяжал еси свобóду слáвы чад Бóжих: тёмже убла-  
жающе тя, вопиём ти такováя:

Рáдуйся, óбраз отвержéния себé нам показáвый;  
рáдуйся, ношéнию крестá в послéдовании Христú  
нас научíвый.

Рáдуйся, плоть со страстьмí и похотьмí ея  
поправáый; рáдуйся, житиём твоím суетú мíра  
обличíвый.

Рáдуйся, всякое пристрастие земнóе от себé  
отгнáвый; рáдуйся, рáзум свой в послушáние  
вéры пленíвый.

Рáдуйся, вóлею своéю благóе ýго заповедей  
Христóвых подъя́вый; рáдуйся, сёрдце своé от  
всякие страсти душевредныя чíсто сохрани́вый.

Рáдуйся, себé Бóгу всесовершенне преда́вый;  
рáдуйся, чрез все житиé своé Бóгу послужíвый.

Рáдуйся, совершéнием заповедей любóвь к себé  
Бóжию стяжáвый; рáдуйся, наследие Цáрствие  
благоугождéнием Бóгу уллучíвый.

**Рáдуйся, святы́й благовёрный вели́кий княже  
Алексáндре.**

## Кондак 5

Боготéчною звездóю пришёл еси в мíре, блажéнне  
Алексáндре, блистающ слáвою и добродéтелию:





тѣмже нѣне сияеши на Небесѣх славою вѣчною с  
лики праведник, с нѣмиже вѣну воспеваети Христу:  
**Аллилуѣа.**

## Икос 5

Видевше тя, блаженне Александре, николѣже  
во бранех побеждаема, всегда же побеждающа,  
невѣрнии единого имени твоего устрашася, мы  
же, поминающе исполненное веры мужество твое,  
ублажаем тя, глаголюще:

Радуйся, доблественный в защиту веры и Церкви  
воителю; радуйся, своей земли мужественный  
защителю.

Радуйся, наветов вражиих мудрый разорителю;  
радуйся, мира беспомощных сильный огра-  
дителю.

Радуйся, воинства своего на берегах Невских  
славный победителю; радуйся, безопасности всей  
северных стран земли Российской охранителю.

Радуйся, злых козней иновѣрия, подвигших чуж-  
дую рать на землю нашу, разрушителю; радуйся,  
законов правды богоукрепляемый утвердителю.

Радуйся, Пскова, отечества святые Ольги,  
свободителю; радуйся, ненавидевших мира  
умирителю.

Радуйся, буйства неустрабленный в тѣя дни Лит-



вѣ укротителю; радуйся, во всех сих бранех христоролюбиваго воинства своего мудрый предводителю.

**Радуйся, святы́й благове́рный вели́кий кня́же Алекса́ндре.**

### **Кондак 6**

Проповѣдника крѳтости и терпѣния явил еси себѣ, блаженне Аллекса́ндре, посреди пресла́вных побѣд твоих: те́мже и стяжа́л еси сугу́бый венѣц от Царя́ Христа́, Ему́же предстои́ши ны́не, вопи́я: **Аллилу́иа.**

### **Икос 6**

Провозсия́л еси́, блаженне Алекса́ндре, па́че му́жества, терпѣнием твои́м, егѳже стяжа́л еси́, взира́я на Нача́льника ве́ры и Соверши́теля Иису́са, и́же вме́сто предлежа́щия ему́ ра́досте претерпе́ крест: те́мже восхваля́юще тя, усѣ́рдно вопи́ем:

Радуйся, до конца́ в по́двизех служѣния Бо́гу претерпе́вый; радуйся, терпѣнию Христо́ву ве́рно подража́вый.

Радуйся, си́лу за́поведи Христо́вы, я́же о любви́ ко враго́м, премудре уразумѣ́вый; радуйся, и согре́шшим проти́ву тебѣ изба́вленным тобо́ю лю́дем любви́ и́стинную показавый.

Радуйся, во искуше́нии от наро́да своего́ хитрость



лукавого прозрѣвый; радуйся, мирным отбѣтием своим из земли своея злобу врага поправый.

Радуйся, и во всем житии своем ухищрения сатаны проразумевый; радуйся, злое благим, по апостолу, выну препобеждавый.

Радуйся, паки, в годину скорби, в помощь оскорбившему ты Новуграду предуготовый; радуйся, сего ради пламенную любовь от народа своего себе снискавый.

Радуйся, Божия посещения, болезни и лишения со упованием терпевый; радуйся, сего ради светлый венец от Господа стяжавый.

**Радуйся, святый благовѣрный великий княже Александре.**

### **Кондак 7**

Хотяи провозсияти тебе всеми добродетельми, блаженне Александре, Владыка Христос призвал есть тебе к служению людем твоим во дни посещения: ты же притяжал еси к терпению смирение, егоже ради ныне превознесен еси, предстои Богу с песнию: **Аллилуиа.**

### **Икос 7**

Дивно бе видети, како непобедимый воитель смиренно преклоняет главу свою пред неверными, ихже



послá Господь на люди своя ради грех их: дивно ж  
есть и вспомянути непобедимое смирение твоё,  
блаженне Александре, имже и Господеви благоуго-  
дил еси, и люди своя спасл еси. Темже благодарно  
вопиём ти:

Радуйся, смирения Господня подражателю;  
радуйся, подобающего богопоставленным  
властем почитания учителю.

Радуйся, всякого превозношения противоборче;  
радуйся, истинного послушания подвижнице.

Радуйся, всем нам образе верного Богу служения;  
радуйся, начальствующим наставнице в богопри-  
ятном людем предстоянии.

Радуйся, подвластных руководителю в богозапо-  
веданном предержавшем властем повиновении;  
радуйся, яко многажды ради блага людей своих  
путишествовал еси к безбожным, ни во чтоже  
вменяя яже от них испытания.

Радуйся, яко не устрасился еси, призвав Бога,  
прийти к Батьеви, исполняя его веление;  
радуйся, яко многащи воспринимал еси на себе  
страшный ответ о неразумных народа своего  
востаниих.

Радуйся, яко оградил еси люди твоя от зловре-  
днаго с неверными общения; радуйся, яко мудро



оградил еси в земли своей отеческия доблести и предания.

**Ра́дуйся, святы́й благове́рный вели́кий кня́же Алекса́ндре.**

### **Кондак 8**

Странническое житие прешел еси на земли, блаженне Александре, не ведый покоя в трудах своих и не имый zde пребывающаго града, но грядущаго взыскауй: сего ради ныне, блаженне, вселился еси в вечных обителех, выну поя Богу: **Аллилуиа.**

### **Икос 8**

Всею душею послужив Господу и всем житием своим благоугодив ему, прославился еси благочестием, егоже ради и исповедник явился еси веры Христовы, блаженне Александре: поминающе убо подвиг исповедничества твоего, вопием ти:

Ра́дуйся, злобы неверных не устрашивыйся; ра́дуйся, твари паче Создавшаго не послуживый. Ра́дуйся, солнцу и огню в стане безбожных не поклонивыйся; ра́дуйся, веру свою во искушении сохранивый.

Ра́дуйся, велению безбожному не покоривыйся; ра́дуйся, твердый проповедник веры пред неверными себе явивый.



Ра́дуйся, с сугу́бою сла́вою, по испове́дании сво́ем,  
в зе́млю свою́ возврати́выйся; ра́дуйся, во всем  
жити́и ве́рным ве́ре отце́в пребы́вый. Ра́дуйся,  
от ле́сти инове́рия прему́дре уклони́выйся;  
ра́дуйся, лука́вство пропове́дников лжеве́рия я́ве  
обличи́вый.

Ра́дуйся, тве́рдый защи́тник правове́рия яви́вый-  
ся; ра́дуйся, лжеслове́сие враго́в Правосла́вия  
сло́вом здра́вым препобеди́вый.

**Ра́дуйся, святы́й благове́рный вели́кий кня́же  
Алекса́ндре.**


### **Кондак 9**

Всего́ себе́ повинув Бо́гови, я́ко раб благи́й и ве́р-  
ный послужи́л еси́ Ему́, блаже́нне Алекса́ндре, па́че  
све́рстник твои́х для земли́ твоея́ потруди́вся: те́мже  
и вни́ти сподо́бился еси́ в ра́дость Го́спода свое́го,  
Ему́же предстои́ши ны́не, со А́нгелы поя́: **Аллилу́иа.**

### **Икос 9**

Витийствующи́й язы́к не возмо́гл бы восхвалити́  
дела́ твоя́, блаже́нне Алекса́ндре, я́же соверши́л еси́,  
полага́я по бра́тии ду́шу свою́: смире́нно у́бо пони-  
мающе сицевая́ исправле́ния твоя́, умиле́нную песнь  
принóсим ти, глаго́люще:

Ра́дуйся, братолю́бия христиа́нского приискрен-



ний ревнителю; радуйся, Моисеевы и Павловы  
любве ко братии подражателю.

Радуйся, заповедей Христовых яже о любви вер-  
ный исполнитель; радуйся, и всех нас в любви к  
присным дивный наставниче.

Радуйся, примером своим паче слова явивыйся  
стяжающихся о наследии братии своих прими-  
ритель; радуйся, о благе народа усердно в житии  
своём пекийся.

Радуйся, общего мира во днех своих устройтелю;  
радуйся, изгнанного страхом нашествий татар-  
ских народа своего собирателю.

Радуйся, беспомощных присный защитителю;  
радуйся, нищих и алчущих питателю.

Радуйся, сирых сильный покровителю; радуйся,  
ныне всех скорбящих и нуждающихся могущий  
пред Господом предстателю.

**Радуйся, святыи благоверный великий княже  
Александр.**

## Кондак 10

Спасти хотя душу свою, ведый же, яко не имуще-  
му любве к Богу никыми же подвигами и добро-  
детельми уллучити спасение возможно есть, стяжал  
еси венец добродетелей, еже есть любовь к Богу,  
Ему же предстои ныне, радостно вопиеша: **Аллилуиа.**



## Икос 10

Царя Небеснаго возлюбив от всего сердца твоего, и от всей души твоея, и всею мыслию твоею, принёсл еси Ему, блаженне Александре, посреди многоразличных приношений веры и усердия, себе самого в жертву живу, святу, благоугодну: темже убожающе тя, вопиём ти:

Радуйся, в житии своём всеми богоугодными делы Господеву послуживый; радуйся, обётами иночества святое житие своё увенчавый.

Радуйся, многи храмы Божии, безбожными разорённые, обновивый; радуйся, к просиянию подвигов постничества обители святые созидавый.

Радуйся, подвизающихся измлада в благочестии ради Бога возлюбивый; радуйся, ангельский образ и себе чистою душею предызбравый.

Радуйся, в конец жития своего всего себе Богу посвятивый; радуйся, приятием схимы, с новым именем Алексия, всесовершенно себе Богу предавый.

Радуйся, обетом девства чистоту сердца своего явивый; радуйся, обетом нестяжания высоту духа своего показавый.

Радуйся, обетом послушания всецелое служение своё Единому Богу во веки утвердивый; радуйся,





к венцѹ мѹдраго и благаго князя мзду инока притяжавый.

**Радуйся, святый благоверный великий княже Александре.**

### **Кондак 11**

Пѣние погребальное слезами растворяшеся у гроба твоего, блаженне Александре: людие твои плакахуся о тебѣ, солнце земли Русския, в полудни зашедшем, и рыдания прерываху умиленную песнь их к Богу: Аллилуиа.

### **Икос 11**

Свет славы небесныя осия ты вскоре, блаженне Александре, утешая плачущия люди твоя: темже видяще при гробе твоём знаменія и чудеса, сынове россійстии достойне призываху тя, яко в молитвах предстателя; мы же, поминающе скорое заступление твоѣ, вопиѣм ти:

Радуйся, угодниче Божий, в самом погребении прославление от Бога получивый; радуйся, скорый предстателю наш, егже призываху отцы наши в нѹждех и озлоблениих.

Радуйся, в борьбѣ с татарами князю Дмитрию Донскому вспоможение явивый; радуйся, царю Иоанну на казанцы одоление исходатаивый.



Рáдуйся, исцеления многоразличныя всем подавая; рáдуйся, слепым зрение молитвою твоёю возвращая.

Рáдуйся, хромым, припадающим ко гробу твоёму, хождение даруя; рáдуйся, разслабленных неможение врачуя.

Рáдуйся, одержимым от бесов свобождение подавая; рáдуйся, безнадежных надеждою спасения оживляя.

Рáдуйся, в погубльших разум разумение возставляя; рáдуйся, от гроба твоего многообразныя чудотворения присно источая.

**Рáдуйся, святы́й благове́рный вели́кий кня́же Алекса́ндре.**

## Кондак 12

Благодать познавше, живу́щую в нетлённых мо́щех твои́х, лю́дие владими́рстии с любóвию приходя́ху ко святе́й ра́це тво́ей и, рáдостно лобыза́юще ю, сла́вляху о тебе́ Бо́га, прославля́ющаго святы́я Сво́я, со умилéнием вопи́юще Ему́: **Аллилу́иа.**

## Икос 12

Пою́ще добродéтели и чудеса́ тво́я, рáдостию сретáху и провожда́ху отцы́ на́ши свято́е тéло твоё, егда́, по желáнию сёрдца в Бо́зе почи́вшаго Петра́



Пёрваго, преселяхуся святыя мѡщи твоѧ на нѡвое мѣсто покоеща в славном святого Петра граде: и мы ныне, радующеся о небесней славе твоѣй и обитании нетленных мощей твоих в богоизбранном граде сем со ѡнеми вопиѣм тя:

Радуйся, российский Иосифе, на нѡвое мѣсто успокоѣния преселивыйся; радуйся, всех концов земли Россійския покровителю.

Радуйся, Петрова града благонадѣжное утверждение; радуйся, тогоже во бранех Небесный защитителю.

Радуйся, северныя столицы неоценѣнное украшение; радуйся, тезоименитыя тебѣ обители славо и утверждение.

Радуйся, народу русскому здравие же и спасение молитвами твоими подавая; радуйся, всех упование на тя возложивших, богомудрый учителю.

Радуйся, иноком, яко иннок, полезное, примѣром жизни своея, наставление преподавая; радуйся, мирским людем, яко в мире потрудивыйся, к добродетелем общежития руководителю.

Радуйся, нетлѣнием своим всем нам надежду Воскресения подавай; радуйся, всех нас в напастех и скорбех поборниче, хранителю и свободителю.

**Радуйся, святыи благоверный великий княже Александре.**



## Кондак 13

Освятѣй благовѣрный великий княже Александре!  
От благоговѣйныхъ сердецъ приносивую ти, аще и  
недостойную, хвалѣбную песнь сию, прими от  
нас, яко усердную жертву сердецъ, любящихъ тя и  
ублажающихъ святую память твою. Охраняй всехъ  
насъ молитвами твоими: оградѣ ходатайствы твоими  
градъ твой и вся люди земли Россійская, да тихое  
и безмолвное житіе поживше в нынѣшнемъ вѣце  
блаженство вѣчное наследіемъ и купно с тобою и  
всеми святѣми вѣну сподобимся воспевати Богу:  
**Аллилуиа.**

*Этот кондак читается трижды.*

## Икос 1

Со Ангелы и всеми святѣми предстоиши ныне  
Христу, блаженне Александре, моляся о любовь  
чтущихъ тя: темже, поминающе, яко, измлада  
Христа возлюбив, к небеснымъ духомъ прилепился  
еси, безплотныхъ подражавъ житію, ублажаемъ тя,  
вопиюще:

Радуйся, корене благочестиваго отрасли пре-  
честная; радуйся, благоверия предковъ наслед-  
ниче.

Радуйся, добродетелей отца боголюбиваго



подражателю; радуйся, кротости и благочестия  
матерняго преёмниче.

Радуйся, вождю к Небесем стада своего христо-  
любиваго: радуйся, в житий всех рабов Божиих  
друже и ревнителей благочестия собесѣдниче.

Радуйся, преподобных лика богосветлаго сопри-  
частниче; радуйся, веры Христовы непобедимый  
исповѣдниче.

Радуйся, волею мучениче, сликоствуйай ныне  
сонму мучеников добропобедному; радуйся,  
христианскаго упования и любви всем нам  
девственный проповѣдниче.

Радуйся, уставов и чина церковнаго благолепного  
ревнителю; радуйся, верных чад Церкви и  
угодников Божиих сонаследниче.

**Радуйся, святыи благоверный великий княже  
Александрѣ.**

## Кондак 1

Избранному воеводе земли Россійския, светлomu  
украшению Церкви Православныя, святому  
благоверному великому князю Александрѣ Невскому,  
похвальная восписующе, яко верою враги, видимыя  
же и невидимыя, победившему, и в вере своей, по  
речению апостолу, добродетель, в добродетели же  
разум, в разуме же воздержаніе, в воздержаніи же




терпѣние, в терпѣнии же благочестіе, братолѹбіе и любѹвь явѣвшему со умилѣнием и радостію возопіим:

**Рáдуйся, святѹ́й благовѣрный вели́кий кня́же Алексáндре.**

## **МОЛИТВА.**

Скѹрый помѹщнице всех усѣрдно к тебѣ прибегающих и тѣплый наш пред Гѹсподем предстателю, святѹ́й благовѣрный вели́кий кня́же Алексáндре! Прѣзри мѣлостивно на ны, недостѹйныя, (имя) многими беззакѹнии непотрѣбны себѣ сотворѣвша, ко святѣй иконѣ твоѣй ныне притекающая и из глубины души зывающая: ты в житиѣ своем ревнитель и защитник Православныя вѣры был еси, и нас в ней тѣплыми твоими к Бѹгу молитвами непоколебимы утверди. Ты великое возложенное на тя служѣние тщательно проходил еси, и нас твоѣю помѹщію пребывать коегѹждо, в неже призван есть, настави. Ты, победив полки супостатов, от предѣлов Рѹсских отгнал еси, и на нас ополчающихся всех вѣдимых и невѣдимых врагов низложи. Ты, оставив тлѣнный венец царства земнаго, избрал еси безмѹльное житіе, и ныне, праведно венцем нетлѣнным увенчанный, на небесѣх



цáрствуеши, исходáтайствуй и нам, смире́нно мо́лим тя, жити́е тѣхое и безмяте́жное, и к вѣчному Цáрствию Бóжию шѣствие неуклóнное устрóй нам. Предсто́я же со все́ми святы́ми Престо́лу Бóжию, моли́ся о всех правосла́вных христиáнех, да сохранит их Госпо́дь Бог Своёю благода́тию в ми́ре, здра́вии, долгодѣнствии и вся́ком благополúчии в до́лжайшая лѣта, да прѣсно сла́вим и благослови́м Бóга, в Тро́ице Святе́й сла́вимаго, Отца́ и Сы́на и Свята́го Ду́ха, ны́не и прѣсно и во вѣки веко́в. Ами́нь.

## **ВЕЛИЧАНИЕ.**

Величаем тя,/ святы́й благоверный великий княже Александре,/ и чтим святу́ю память твою,/ ты бо молиши за нас// Христа Бога нашего.



## ЧТЕНИЕ АКАФИСТОВ В ХРАМЕ РОЖДЕСТВА ПРЕСВЯТОЙ БОГОРОДИЦЫ

В храме Рождества Пресвятой Богородицы (с. Три Озера, Спасского благочиния, Казанской митрополии, Чистопольской епархии) каждое воскресенье совершается молитва по соглашению – чтение акафиста благоверному князю Александру Невскому (о служащих в армии) в 18.00 (по московскому времени). Эта молитва является молитвой по соглашению, многие люди молятся, находясь в разных местах, в одно и то же время, разъединённые подчас большими расстояниями, но объединённые общей церковной и частной молитвой.

Заказав акафист в нашем храме, нужно читать его и дома, в тот же день и в то же время, что и в нашем храме.

Имеются многие свидетельства от людей, получивших милость Божию после чтения акафиста.

Заказать акафист можно непосредственно в храме, а также почтовым переводом по адресу: 422845, РТ, Спасский район, с. Три Озера, ул. Матросова, д.4, Кавиной Татьяне Николаевне. В разделе «сообщения» указать имена и название акафиста. Дополнительная информация по номеру: 89274280503.